



Ul. Vrbaska bb, tel.030/ 719 500,030/546 500 , e-mail:nacelnik@gvu.ba

Na osnovu člana 5. i člana 6. Pravilnika o utvrđivanju uslova, kriterija i postupaka za ostvarivanje prava na dodjelu plastenika i opreme u projektu, „Ekonomsko osnaživanje socijalno i materijalno ugroženih osoba i mladih osoba kroz proizvodnju povrća u plasticima" načelnik općine Gornji Vakuf-Uskoplje raspisuje:

JAVNI POZIV

za podnošenje zahtjeva za dodjelu plastenika od 100m² sa sadnim materijalom, sistemom za navodnjavanje i dodatnom opremom

Općina Gornji Vakuf-Uskoplje u saradnji sa NVO Muslim Aid Association sa sjedištem u Sarajevu raspisuje Javni poziv za podnošenje zahtjeva za dodjelu dvadeset plastenika od 100 m² sa sadnim/sjemenskim materijalom, sistemom za navodnjavanje, kristalonima i dodatnom opremom. Projekat sufinansiraju općina Gornji Vakuf-Uskoplje 45%, NVO Muslim Aid Association 40% i krajnji korisnici sa 15% od ukupne cijene plastenika i opreme.

I PRAVO UČEŠĆA

1. Pravo učešća u Projektu imaju socijalno i materijalno ugrožene osobe i mlade osobe, koje imaju prebivalište na području općine Gornji Vakuf-Uskoplje koje posjeduju vlastito poljoprivredno zemljište ili je zemljište u vlasništvu članova uže porodice po pravoj liniji (djed, baka, roditelji, djeca, unuci) te supružnika, kao i zemljište ustupljeno na korištenje ili u zakup na period ne kraći od tri godine u neposrednoj blizini stambenog objekta u kojem stanuju.
2. Pravo na dodjelu plastenika sa dodatnom opremom ne ostvaruju:
 - a) lica koja su dobila donaciju plastenika od općine Gornji Vakuf-Uskoplje, nadležnih ministarstava, humanitarnih i drugih organizacija u zadnje tri godine,
 - b) članovi uže porodice zaposlenika NVO Muslim Aid Sarajevo i općine Gornji Vakuf-Uskoplje,
 - c) lica koja su u proteklom vremenskom periodu nenamjenski koristila dobivena poticajna sredstva od strane općine Gornji Vakuf-Uskoplje, nadležnih ministarstava, humanitarnih i drugih organizacija u zadnje tri godine.

II USLOVI

Podnosilac prijave treba da ispunjava sljedeće uslove:

- da je nezaposlena osoba ili osoba sa minimalnim primanjima ili mlada osoba u dobi od 18 do 35 godina starosti, sa prebivalištem na području općine Gornji Vakuf-Uskoplje,
- da je nosilac ili član poljoprivrednog gazdinstva u Registru poljoprivrednih gazdinstava Registru klijenata FBiH ili ovjerena izjava da će korisnik u toku 2026. godine izvršiti upis u Registar,
- da je podnosilac zahtjeva, supružnik ili član uže porodice vlasnik ili posjednik poljoprivrednog zemljišta pogodnog za proizvodnju u plastenicima ili da je poljoprivredno zemljište pogodno za proizvodnju u plastenicima uzeto na korištenje ili u zakup na najmanje 3 godine i da se isto nalazi u neposrednoj blizini stambenog objekta u kojem stanuju (udaljenost ne veća od 1000 m putne komunikacije),
- da ima mogućnost navodnjavanja plastenika,
- da u trenutku predaje zahtjeva za učešće u ovom projektu nema više od 100 m² plastenika u svom posjedu ili posjedu užeg člana domaćinstva (pod posjedovanom plasteničkom površinom smatra se plastenik metalne konstrukcije sa bočnim ventiliranjem),
- da sufinansira 15% od nabavne cijene plastenika sa dodatnom opremom (598,50KM),
- da obavezno prisustvuje edukaciji iz oblasti plasteničke proizvodnje, koju organizuju NVO Muslim Aid Association i općina Gornji Vakuf-Uskoplje,
- da u posljednjih tri godine nije ostvarivao pravo na donaciju plastenika od općine Gornji Vakuf-Uskoplje, nadležnih ministarstava, humanitarnih i drugih organizacija,
- da će dobiveni plastenik zadržati u vlasništvu najmanje tri godine od potpisivanja Ugovora.

III POTREBNA DOKUMENTACIJA

Podnosilac prijave uz zahtjev prilaže sljedeću dokumentaciju:

1. Potvrdu o prebivalištu (CIPS prijava),
2. Ovjerenu kućnu listu,
3. Dokaz o nezaposlenosti aplikanta i svih punoljetnih članova zajedničkog domaćinstva izdat od Službe za zapošljavanje, a za lica koja se ne vode na evidenciji Službe za zapošljavanje prilaže se potvrda izdata od porezne uprave Gornji Vakuf-Uskoplje,
4. Potvrdu iz škole/fakulteta za učenike i studente, za djecu/izdržavane članove domaćinstva za djecu predškolskog uzrasta priložiti Izvod iz matične knjige rođenih,
5. Uvjerenje iz porezne uprave Gornji Vakuf-Uskoplje za svakog zaposlenog člana domaćinstva sa kućne liste,

- za penzionere posljednji ček od penzije ili potvrda izdata od banke,
 - za korisnike socijalne pomoći prilaže se uvjerenje Službe za socijalni rad općine Gornji Vakuf-Uskoplje,
 - za korisnika koji pripada boračko-invalidskoj kategoriji, dostavlja uvjerenje iz Službe za BIZ o visini prihoda.
6. Vlasništvo ili posjed nad parcelom koja se namjerava koristiti za instaliranje plastenika (kopija ZK izvataka ili Posjedovnog lista ili Ugovor o zakupu/korištenju parcele),
 7. Dokaz da je samohrani roditelj (smrtni list ili dokaz o razvodu braka ili drugi dokument kojim aplikant može dokazati da je samohrani roditelj),
 8. Dokaz da je podnosilac zahtjeva i/ili član domaćinstva osoba sa invaliditetom (potvrda/mišljenje stručne medicinske komisije o utvrđenom invaliditetu),
 9. Ovjerenu izjavu da u trenutku predaje zahtjeva za učešće u ovom pozivu nema više od 100 m² plastenika u svom posjedu ili posjedu užeg člana domaćinstva,
 10. Ovjerenu izjavu da će korisnik podsticaja dobiveni plastenik zadržati u vlasništvu najmanje tri godine od potpisivanja Ugovora,
 11. Ovjerenu izjavu da podnosilac zahtjeva u posljednje tri godine nije ostvario pravo na donaciju plastenika od općine Gornji Vakuf-Uskoplje, nadležnih ministarstava, humanitarnih i drugih organizacija,
 12. Ovjerenu izjavu da će sufinansirati 15% od nabavne cijene plastenika sa dodatnom opremom (598,50 KM), te da će obavezno prisustvovati edukaciji iz oblasti plateničke proizvodnje u trajanju od dva dana,
 13. Ovjerenu izjavu da će se u toku 2026. godine upisati u Registar poljoprivrednih gazdinstava, ukoliko isti nije upisan.

Izjava za uslove pod rednim brojevima 9.,10.,11.,12.,13. se podnosi na zajedničkom obrascu „IZJAVA“, koja se zajedno sa zahtjevom za prijavu na Javni poziv može preuzeti na stranici općine Gornji Vakuf-Uskoplje(www.gvu.ba) i na šalteru općine Gornji Vakuf-Uskoplje.

Kontakt osoba: Edin Prijić, telefon: 030 546 512

Komisija zadržava pravo naknadne provjere dokumentacije ukoliko se ukaže potreba za tim kao i mogućnost naknadne dopune dokumentacije u posebnim slučajevima.

IV PROVOĐENJE POSTUPKA PO JAVNOM POZIVU

Postupak po Javnom pozivu provest će Komisija imenovana od strane načelnika općine Gornji Vakuf-Uskoplje, koju čine tri člana od kojih su dva člana predstavnici općine Gornji Vakuf-Uskoplje, a jedan član predstavnik humanitarne organizacije NVO Muslim Aid Association.

Zadatak Komisije je:

- pregled prispjelih prijava,
- bodovanje i evidentiranje kandidata koji ispunjavaju uslove iz javnog poziva,
- obavljanje uvidaja na licu mjesta,
- izrada zapisnika o radu i sačinjavanje rang liste korisnika na osnovu utvrđenih kriterija za bodovanje.

Preliminarna rang lista odabranih kandidata se objavljuje na oglasnoj ploči općine Gornji Vakuf-Uskoplje, službenoj stranici općine Gornji Vakuf-Uskoplje i dostavlja se NVO Muslim Aid Association na dalju proceduru.

Na preliminarnu rang listu, korisnici imaju pravo prigovora u roku 5 dana od dana objave na web stranici općine Gornji Vakuf-Uskoplje koji se podnosi u pisanoj formi Komisiji za rješavanje prigovora po Javnom pozivu putem Službe za lokalni razvoj i stambeno komunalne poslove.

Komisiju iz prethodnog stava ovog člana formira načelnik. Nakon razmatranja prigovora, Komisija sačinjava konačnu listu te istu dostavlja načelniku na potpis.

Na osnovu konačne liste zaključit će se tri paritetni ugovori između NVO Muslim Aid Association, općine Gornji Vakuf-Uskoplje i odabranih korisnika kojim će biti regulisana međusobna prava i obaveze učesnika u ovom Projektu.

V NAČINI I ROK PODNOŠENJA PRIJAVA

Prijava na Javni poziv podnosi se dostavljanjem obavezne dokumentacije naznačene u Javnom pozivu u zatvorenoj koverti na **protokol općine Gornji Vakuf-Uskoplje** ili putem pošte na adresu:

**Općina Gornji Vakuf-Uskoplje, Vrbaska bb,
70 240 Gornji Vakuf-Uskoplje,
sa naznakom: Komisija za provođenje Javnog poziva: „Prijava na javni poziv za dodjelu
plastenika i prateće opreme-NE OTVARATI”.**

Rok za predaju prijava je 15 dana od dana objavljivanja Javnog poziva na stranici općine Gornji Vakuf-Uskoplje, odnosno do 17.07.2026. godine.

Prijave dostavljene nakon navedenog roka biti će razmatrane jedino u slučaju da poštanski žig ukazuje na datum slanja prije zvaničnog isteka roka.

Na poledini koverta obavezno naznačiti ime i prezime fizičkog lica koje podnosi zahtjev, adresu i kontakt telefon.

Nepotpuna i neblagovremena dokumentacija neće se uzimati u razmatranje.

